

【國家社會科學基金重大項目】

何建明 主編

中國地方志
佛道教文獻匯纂

寺觀卷

(61)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（61）

國家圖書館出版社

江南通志卷四十三

輿地志

寺觀一 江寧一府

仙佛之宇經始於江南者天保爲報上之嘉名崇元爲
洞天之華構其後金刹瑤宮建勝幡而啟妙門者往往
標映江山與翠樾丹霞參差高下矣朱子萬杉寺詩云
願以清淨化永作太平基又齋居聞磬詩云此時鄰磬
發聲合前山響起對玉書文誰知道機長是則朝香夜
梵風鐸霜鐘起人天初覺之心助
聖朝清和之理抑豈可少哉

江寧府

靈谷寺在府鍾山東南舊於獨龍阜建道林寺梁武帝
爲寶誌禪師建塔於玩珠峰前名開善宋改太平興國
後改蔣山明洪武初徙山之東偏改名靈谷自山門入
松徑五里乃至寺大殿皆壘巒空洞而成後有浮圖卽
梁寶誌禪師幻身改葬於此塔前有石泉石旁有古松
偃幹明高帝月夜掛衣處

國朝康熙四十六年

聖祖仁皇帝南巡臨幸

賜御書靈谷禪林四字匾額

御書天香飄廣殿山氣宿空廊對聯

御書石刻金剛經一部

御書泥金心經一卷

御書白居易絕句金扇一柄

烟滿秋堂月滿庭香花漠漠磬鈴鈴誰能來此尋真諦白老

新開一藏經

御書木刻藥師經一部

附

新城王貽上遊記

遊雞籠龍潭之明

溪拜侍中黃公祠祠有夫人血影石出通濟門經天壇
壇已廢彌望蔓草紫烟而已沿鍾山行屢有向背峰岒
蔽虧雲日明晦誦沈隱侯千雲非一狀蘇端明峰多巧
障日之句歎其極工按江左時刺史還任例種松千頭
山在六朝故多林木勝國爲陵園地龍鱗虬鬣彌遍山
谷上陵者寒濤天籟中不復見山今十九供樵爨矣寺
燬於乙酉丙戌間惟無量殿寶公塔存上人於南靈隱
諮堂師法嗣爲言寺廢之由乘願而來欲以十年重興
初地午浴樓下樓後面屏風嶺風逢逢白絕壑下林木
颯然有聲飯方丈畢偕上人觀景陽鐘禮寶公塔予登
焉上人不能從問三絕碑亦處於火三絕者張僧繇畫
誌公像李太白贊顏魯公書也寺舊有誌公法衣革履

吳道子畫折蘆渡江鳥巢佛印三教畫壁皆不見惟額
壁數版丹青漫漶如天吳紫鳳顛倒短褐而已稍東爲
說法臺址旁卽入功德木棹荆蒙茸無復涓滴南爲琵琶
街僧雖拊掌隱若弦絲之音殿前有巨鐵剪鏤大吳
字土人訛爲赤烏時物按明高帝初定建康爲吳國公
八年爲吳王此當是未改元時所作然不識何所用之
上人云相傳山有蛟鑄此爲鎮云梅花庵在山門東寒
香數百樹尚橫斜山翠中間周顒草堂王安石定林舊
址皆不可詳會日夕遂與上人別樵唱滿山悲風驪眉
澗水潺湲屢亂流而渡昔人登樂遊原詩若爲今咏之
上人貽予盤堂詩自蔣陵至青溪
遂盡其卷湯休帛道猷之流也

棲霞寺在府東北攝山南齊明僧紹故宅陳江總有碑
尚存隋文帝琢白石爲塔寶舍利唐改功德寺高宗製
明隱君碑亦尚完南唐改妙因寺徐鉉書額宋改普雲
寺仁宗賜金寶方碑明洪武初仍賜額棲霞有王世貞
記僧寮倚山架壁各擅其勝白雲庵紫峰閣尤稱幽峻

明覺浪禪師開法於此笑峰三菴繼起焉

衡陽寺在府東北四十里清風鄉卽古寶城寺昔朗法師駐錫于此有衡陽神女來聽講因名寺唐天祐三年徐溫重建寺舊有保大七年齊已重開衡陽寺古跡詩石刻

草堂寺在府慈仁鄉唐家渡濱大江舊建鍾山西麓本齊周顒捨宅明洪武七年徙寺于此

嘉善寺在府鐵石山明正統中僧法通建寺賜額山椒有石佛閣蒼雲崖一線天奇石綺錯崖壑幽勝焦竑爲記

崇化寺在府古高峰院與嘉善寺相連明正統間重建

賜額崖下有泉沸起水面若散花名梅花水

幕府寺在府北幕府山晉元帝渡江王導嘗駐軍于此
梁天監中武帝與寶誌禪師來遊始建寺因名幕府山
有達摩洞

弘濟寺在府北觀音門外燕十磯明洪武初卽山建觀
音閣正統初因閣建寺賜名弘濟殿閣皆緣崖構成危
石半空以鐵繩穿石繫棟俯臨大江爲金陵絕景
三塔寺在府神策門外明永樂間建
香林寺原名興善寺在府太平門內明時建

國朝康熙三十八年

聖祖仁皇帝南巡改爲香林寺方丈內

御書覺路二字匾額

佛國寺在太平門外鍾山之西古華嚴菴也明景泰間建賜額

翼善寺在府東南相傳晉謝安高卧東山及與張元圃碁睹墅卽其處梁資福院武帝建淨名院神僧寶誌說法于此宋元改淨名寺明正統間重建賜今額

定林寺在府東方山宋乾道間建鍾山舊有上定林寺寺廢移其額于此明弘治間重建有昭明讀書臺石龍池諸勝

天寧寺在府高橋門外祈澤寺北五里青龍彭城二山之間山林幽迴野泉散落人跡罕到宋治平間建

附明

顧璉遊天寧寺記

正德丁丑春三月子兄東橋先生赴官台州子出錢于祈澤寺酒數行東

橋別去予與諸君共宿祈澤舊聞隣寺號天寧者境絕幽夏次早邀諸君遊從僧借小童導騎緣寺前逕登山歷墟墓數處即平野曠然兩旁皆童山環抱縱轡行里餘見山盡處如門闕狀闕外諸山濃淡晦明如畫方愛玩未已覺山腹間隱隱有樓閣在空際到即寺也家皆大喜棄馬振衣緣石逕而登逕且半聞陂陁下灌莽中有聲洶洶如雷奔風怒子謂諸君此常有異泉乃遣人踪跡之徐步入寺寺僧多出乞食獨老僧惠禧者見客至似喜延入室焚香供茗甚肅宇亦雅潔不類荒山少憩復出寺先所遣人來報山下果得泉但荒窮不可入予奮然先行藤梢竹刺時絰冠袂輒絕之以去稍下見泉珠零玉散飛落石澗中可十數處不知所從來亦莫能極其所止澗闊尺餘兩旁及底皆山石自然所成玲瓏崿呀清泉如空碧下清于喜呼酒飲擇泉流平緩處列坐汎觴引滿數觥而出回及山半得泉味樹間乃平地湧出不甚瀾溢不知何緣流衍之廣乃爾既登復觴寺外石上數行乃上馬歸

莊嚴寺在府治東高橋門外晉永和四年謝尚捨宅建

宋大明中路太后另建莊嚴寺于西樂園改此爲西寺金陵新志云謝尚莊嚴寺已改興嚴寺考謝尚宅又在城中竹格渡不知何年徙此明永樂間僧真常重建仍前名江總舊有寺碑

祈澤寺在高橋門外祈澤山宋少帝景平元年建名祈澤治平寺梁卽寺置龍堂龍池在焉會昌中廢南唐昇元間復宋改祈澤寺爲祈禱雨澤之所

本業寺在府麒麟門外宣儀鄉梁天監九年建有唐乾德年寺碑

慧居寺在府治東六十里句容縣界寶華山相傳爲梁寶誌公道場故名寶華久廢明嘉靖間僧普照建寶公

庵萬曆間僧妙峰奉勅建銅殿賜名聖化隆昌寺

國朝順治二年僧見月建白石戒壇康熙四十二年

聖祖南巡

勅賜慧居寺額

御書心經一卷金剛經一卷四十六年

南巡

駕幸山中

賜飛白大書蓮旂雲香四字額懸于銅殿精持梵戒四字額懸于戒壇雍正十二年總督趙弘恩奉

旨重修

雞鳴寺在府城北雞籠山與臺城相埒晉永康間倚山

御書鷄鳴古蹟四字匾額

國朝康熙四十四年

爲室始建道場明洪武二十年改勅雞鳴寺置門三百
秘密關觀由所出塵徑皆賜額也遷靈谷寺寶誌公法
函瘞于山麓建浮圖五級

同泰寺在府北臺城內梁大通元年武帝幸寺捨身宋
爲法堂寺明爲營衛地

清涼寺在府西北石城門內清涼山吳順義中建爲興
教寺南唐爲文益禪師道場後主嘗留宿寺中有未能
歸去宿龍宮之句宋太平興國間改清涼廣惠寺蘇軾
嘗捨彌陀佛像于寺中有詩明洪武初賜今額左上爲

清涼臺俯視大江卽南唐翠微亭舊址登覽最勝西偏
爲善慶菴幽潔高爽莫愁湖朗然在日寺舊有董羽畫
龍李後主八分書李霄遶草書時人目爲三絕

鐵塔寺在府治西北冶城後岡劉宋泰始中建名延祚
寺唐有靈智禪師生無日能通曉經論時人稱有天眼
爲建塔今寺廢獨塔存

永慶寺在府北門橋之西與謝公墩相近梁永慶公主
建又名白塔寺明洪武中重建賜今額

吉祥寺在府清涼山之北宋治平二年賜額後有古梅
虬枝鐵幹扶疎數畝

金陵寺在府定淮門內馬鞍山唐沙門貫休建

靜海寺在府西北儀鳳門外盧龍山之麓明永樂間內
監鄭和使西洋歸因建寺賜額

普緣寺在府城西北隅晉名耆闍寺

大報恩寺在府城南聚寶門外古長干里吳赤烏間康
僧會致舍利吳大帝建寺及塔晉太元九年劉薩訶于
越王城望氣得舍利于此建長干寺梁武帝發塔下舍
利及爪髮髮青紺色帝命復修塔瘞之南唐時寺廢爲
營廬久之舍利數見感應宋祥符中釋可政表其狀復
建寺賜塔號聖感舍利寶塔天禧二年改爲天禧寺明
永樂十年勅建塔九級賜額大報恩寺御製碑記塔高
百餘尺皆五色琉璃頂冠黃金照耀雲日江山城郭悉

在憑眺中篝燈百二十有八居民點炷無虛夜數十里

風鐸相聞星光的燦明嘉靖間大殿燬惟塔存

國朝康熙三年重修二十三年

聖祖南巡

駕嘗幸塔之最高頂

御書不二法門四字匾額懸於大殿

御製幸報恩寺詩一首

恭紀首卷

又每級

御書一額曰一乘慧業二儀有象三空勝地四海無波五律精

嚴六通真諦七寶蓮花八表同風九有弘觀又

賜金佛一尊金剛經一部供奉塔頂

御製登報恩寺浮圖詩一首

恭紀首卷

三十八年塔燬

特頒帑金修建

御製修報恩寺塔初畢登之詩一首

恭紀首卷

附明盛時泰塔

賦出都門以游衍今經長下之故墟瞻寶塔之華筆今
內之三珠得函中之半髮光煜煜而亂輝色青紺而騰
發惟金粟之自炯出玉毫而普現乃寶氣之燭幽故慈
光之上輝歷塵劫而獨存超人天以自展惟明祖之龍
興今振大法於將縻既離明之繼照今拓弘基而建之
念櫛沐之久勛今哀周極之難報證實地以舒虔今仰
捉慈而洞照發睿念於淵衷今佈綸音於天詔遂乃近
徵譏句遠募荒陲盡甄工之意巧極日匠之伎奇準宮
闕以立極擬路寢而築基備百制之儲萃煥五色之威
難飾隨村而殊質彩呈體而異施盤后土以奠方今浚
重泉而作鎮揀蓮趺以旋規今列朱楹而作瞻映紺殿
以孤塞兮超驪廊而直踰出木末以高標兮踰臺顛而
獨峻故遠而視之則峭崿嶮峻一何高也蟬聯巖巖又
何麗也曜曜嶮嶮誠可駭也隣岫燦燦亦何異也玲瓏
煖煖炫輝嶮嶮若海藏之涌生焉巍巍嵯峨紛葩爛漫
若空界之幻成焉竦露盤於雲中今時金相於天闕開
八戶以翕施今盤九曲而巖業剛風寥寥拂其上今瀾

丁卯重志

卷四十三

輿地志

寺觀

八

江寧府